


Prosjektmandat (politisk bestilling)

Prosjektnr	Namn	Saknr
(økonomi)	Planstrategi 2016 – 2019 som del av oppstart av arbeidet med kommuneplanen (§ 10-1 fjerde ledd pbl)	(websak)
Prosjektfase	Vedta planstrategi og planprogram for kommuneplanen sin samfunnsdel	
Organisering		
Oppdragsgjever: Lindås kommune Politisk styringsgruppe: Formannskapet Adm. styringsgruppe: Rådmannsgruppa Prosjektansvarleg: Ass. rådmann Prosjektgruppe: Prosjektleder: Arnold Matre Prosjektgruppe: Line Thuen Waage (plankonsulent), HTV og Terese Folgerø (kommuneoverlege) Arbeidsgruppe: Tverrfaglig arbeidsgruppe: Næringssjef, informasjonsrådgjevar, økonomisjef, kommunalsjef oppvekst, kommunalsjef helse, geodata (statistikk), einingsleiar teknisk drift, eigedomssjef, kultursjef, landbrukssjef, kommuneoverlege og organisasjonssjef. Interne referansegrupper: Levekår, PMU, einingsleiargruppe, AMU, HTV-møte, barnerepresentant, Eldrerådet, NAV, Råd for menneske med nedsett funksjonsevne, ungdomsråd og idrettsråd Ekstern medverknad: Nabokommunar (lovpålagt). Det blir lagt opp folkemøter i løpet av prosessen. Det blir også vurdert å ha møter med relevante personar og organisasjonar, dette vil ein kome attende til i prosjektplanen.		
Bakgrunn og forankring		
<u>I plan- og bygningslova §10-1 «Kommunal planstrategi» står det:</u> Kommunestyret skal minst ein gong i kvar valperiode, og seinast innan eitt år etter konstituering, utarbeide og vedta ein kommunal planstrategi. Planstrategien bør omfatte ei drøfting av kommunen sine strategiske val knytt til samfunnsutvikling når det gjeld langsiktig arealbruk, miljøutfordringar, dei kommunale sektorane og ei vurdering av kommunen sine planbehov i valperioden.		

Den kommunale planstrategien er ikkje ein plan, og ikkje ein arena for å vedta mål og strategiar, men å drøfte utviklingstrekk i kommunen som samfunn og organisasjon. Dette skal danne grunnlaget for å vurdere planbehovet i kommunestyreperioden.

Kommunen skal i arbeidet med kommunal planstrategi innhente synspunkt frå statlege og regionale organar og nabokommunar. Kommunen bør også legge opp til brei medverknad og allmenn debatt som grunnlag for handsaminga. Forslag til vedtak i kommunestyret skal gjerast offentleg tilgjengelig minst 30 dagar før kommunestyret si handsaming.

Kommunal planstrategi er ein avgjerande faktor for å bygge opp eit heilskapleg plansystem (Sjå figur). Planstrategien danner grunnlaget for at kommunen har eit plansystem som heng saman frå overordna planar til verksemdsplanar på einings- og avdelingsnivå.



Ved handsaming av planstrategien skal kommunestyret ta stilling til om gjeldande kommuneplan eller deler av den skal reviderast, eller om planen skal vidareførast utan endringar. Utarbeiding og handsaming av kommunal planstrategi kan vere slått saman med og vere ein del av oppstart av arbeidet med kommuneplanen.

Planstrategi som ein del av oppstart av arbeidet med kommuneplanen:

Kommunen skal ha ein samla kommuneplan som omfattar samfunnsdel med handlingsdel og arealdel. Kommuneplanen skal ivareta kommunale, regionale og nasjonale mål, interesser og oppgåver, og bør omfatte alle viktige mål og oppgåver i kommunen. Det er mulig å slå saman prosessen med kommunal planstrategi med oppstart av arbeidet med kommuneplanen. I praksis blir planstrategi og planprogram for samfunnsdelen slått saman. Den kommunale planstrategien må då følgje prosessreglane for eit planprogram (jf. § 11-12 og 11-13). Planstrategiarbeidet vil då vere ein del av sjølvrevisjonen av kommuneplanen. Revisjonsbehovet for kommuneplanen må då vere avklart.

Rådmannen vurderer at det er behov for å revidere kommunen sin samfunnsdel, og anbefaler at kommunen slår saman prosessen med planstrategi og planprogram for kommunen sin samfunnsdel. Vedtak om planstrategi må formelt sett skje før vedtak om planprogrammet.

Kommunestruktur

Lindås kommune skal i løpet av våren 2016 ta stilling til om samanslåing med andre kommunar. Lindås er per november 2015 med i to forhandlingsprosessar. Kommunalminister Jan Tore Sanner har anbefalt kommunar som vurderer samanslåing om å lage ein felles prosess rundt planstrategi. Det er klart at prosessane rundt kommunestruktur vil ha innverknad på kommunen sine framtidige prioriteringar, men rådmannen anbefalar likevel at Lindås kommune utarbeider eigen planstrategi og kommuneplan for inneverande kommunestyreperiode.

Hovudmål for prosjektet:

Utarbeide eit grunnlag som sikrar at kommunen får ein overordna og tydeleg kommuneplan for utvikling av Lindås-samfunnet og organisasjonen.

Resultatmål (Leveranse i prosjektet)

- Utarbeide eit utfordringsnotat som er grunnlag for dei overordna drøftingane
- Utarbeide og vedta ein kommunal planstrategi
- Utarbeide og vedta eit planprogram for kommuneplanen sin samfunnsdel.

Effekt mål

- Sikre ein god og målretta planprosess, både knytt til samfunnsdel og arealdel
- Sikre eit godt grunnlag for eit heilskapleg plansystem

Rammer

<i>Økonomi/finansiering</i>	<i>Beløp i kr</i>
Ekstern bistand til analysearbeid og prosessleiing	50.000 – 80.000

Avgrensingar:

Prosjektet skal gjennom gode prosessar og medverknad utarbeide og vedta ein planstrategi for Lindås kommune 2016 – 2019, i tillegg skal prosjektet utarbeide planprogram for kommuneplanen sin samfunnsdel. I medverknadsprosessen med innbyggjarar vil prosjektet også diskutere endringar i kommunestruktur. Prosjektet skal ikkje gjennomføre ein konkret planprosess, men leggje rammene for planprosessen som kjem i neste fase.

Risiko (viktigaste element identifisert ved oppstart)

Risikofaktorarar kjem vi attende til i prosjektplanen

Framdriftsplan:

03.12.15: Vedtak av prosjektmandat i styringsgruppe – formell oppstart av prosjektet

Desember: Samling av prosjektgruppe og arbeidsgruppe. Utarbeide prosjektplan og konkretisere framdriftsplan

Desember/januar: Utarbeide utfordringsnotat – arbeid i arbeidsgruppe

Slutten av januar: Strategisamling med styringsgruppe (formannskapet) – gjennomgang av utfordringsnotat og strategiske drøftingar om planbehov og strategiske satsingsområder i samfunnsdelen.

Februar:

- Vidare arbeid i arbeidsgruppe og referansegrupper
- Veke 7 og 8: Folkemøter i Alversund, Knarvik, Lindås og Ostereidet. Tema er kommunestruktur og utvikling av Lindås-samfunnet (planstrategi og planprogram)

Mars:

- 3. mars – strategisamling i styringsgruppe. Gjennomgang av innspel.
- Veke 11: Gjennomgang med politiske referansegrupper
- 17. mars – møte i styringsgruppa ved behov

April:

- 7. april: Legge ut planstrategi og planprogram på høyring (Formannskapsmøte før KO)

Juni:

- 8. juni: Formelt vedtak i formannskapet
- 16. juni: Formelt vedtak i kommunestyret.

Endringsoversyn

Versjon	Dato	Skildring av endring	Utført av
0.10	24.11.15	Dokument etablert	Hogne Haugsdal